

86

23. maí

Tekjur sjóðsins eru:

- a. vextir af höfuðstól sjóðsins;
- b. samskot og gjafir einstakra manna, er vilja styrkja sjóðinn, og aðrar tekjur, er sjóðnum kunna að áskotnast.

4. gr.

Höfuðstóll sjóðsins skal ávaxtaður í aðaldeild Söfnunarsjóðs Íslands, þannig að $\frac{3}{4}$ — þrjú fjórðu hlutar — ársvaxtanna leggist jafnan við höfuðstólinn, en $\frac{1}{4}$ — einum fjórða hluta — ársvaxtanna má, ásamt fé því, er sjóðnum árlega áskotnast á annan hátt, verja samkvæmt því er í 2. gr. segir, eftir því sem þörf krefur. En ef afgangur verður, skal hann lagður við höfuðstól.

5. gr.

Stjórn sjóðsins skipa: Hin lögskipaða yfirsetukona á Akranesi, héraðslæknirinn í Skipaskagahéraði og sóknarpresturinn í Garðaprestakalli á Akranesi.

Skal sjóðstjórnin árlega semja reikning yfir tekjur sjóðsins og gjöld og senda hann þeim, er hafa á hendi eftirlit með þeim sjóðum, er öðlast hafa konunglega staðfestingu á skipulagsskrá sinni.

6. gr.

Leita skal konunglegrar staðfestingar á skipulagsskrá þessari.

Akranesi, 8. janúar 1936.

Guðrún Gísladóttir, ljósmóðir. Þorsteinn Briem. Ólafur Finsen.

87

23. maí

Staðfesting ráðuneytis Íslands á skipulagsskrá fyrir Minningarsjóð Bjarna Ólafssonar skipstjóra, útgefin á venjulegan hátt af dóms- og kirkjumálaráðherra, 23. maí 1940.

Skipulagsskráin er þannig:

SKIPULAGSSKRÁ

fyrir Minningarsjóð Bjarna Ólafssonar skipstjóra.

1. gr.

Sjóðurinn heitir Minningarsjóður Bjarna Ólafssonar skipstjóra.

2. gr.

Stofnfé sjóðsins er kr. 3000.00 — þrjú þúsund krónur —. Sjóðinn skal ávaxta í Söfnunarsjóði Íslands, eða annari tryggri stofnun. Í bankavaxtabréfum, ríkisskuldabréfum eða öðrum jafntryggum.

3. gr.

Sjóðurinn tekur við hverskonar gjöfum og áheitum.

4. gr.

Þegar sjóðurinn, að dómi sjóðstjórnar, getur einn, eða með aðstoð annara aðila, byggt sundlaug á Akranesi, þá má verja í því skyni öllum höfuðstól sjóðsins fram yfir kr. 3000.00 — þrjú þúsund krónur. —

5. gr.

87

23. maí

Þegar því verkefni sjóðsins, sem felst í 4. gr., hefir verið fullnægt, skal verja $\frac{2}{3}$ ársvaxtanna til styrktar sundmenntar á Akranesi á einhvern þann hátt, er sjóðstjórnin telur að komi að sem beztum notum. Sú upphæð, sem notuð er í þessum tilgangi, má þó ekki fara fram úr kr. 500.00 — fimm hundruð krónum — á ári.

Þegar $\frac{2}{3}$ árlegra vaxta eru orðnir kr. 2000.00 — tvö þúsund krónur — skal árlega greiða til Akranesskirkju kr. 300.00 — þrjú hundruð krónur —, sem notist til þess að skreyta kirkjuna eða prýða á sem varanlegastan hátt, eftir ákvörðun sóknarnefndar. Verði eitthvert ár ekki þörf á allri upphæðinni, kr. 300.00, til þessa sérstaka hlutverks, skal það af henni, sem ekki er notað í þessu augnamiði, leggjast í viðhalds- og byggingarsjóð kirkjunnar. Þeim kr. 1200.00 — tólf hundruð krónum —, sem þá eru eftir af vöxtum, skal varið til þess að styrkja efnilegan Akurnesing til náms. Sérstaklega skal þá miðað við nám, sem lýtur að siglingum, útgerð eða framleiðslu og hagnýtingu sjávarafurða.

Ávallt þegar höfuðstóll sjóðsins er orðinn kr. 120000.00 — eitt hundruð og tuttugu þúsund krónur — eða meir, má sjóðstjórnin veita Akraneskaupþúni að láni það af sjóðnum, sem fram yfir er kr. 70000.00 — sjöttíu þúsund krónur —. Lán þetta má veita til 50 — fimmtíu — ára með 5% — fimm af hundruði — ársvöxtum, og nota það aðeins til einhverra framkvæmda á Akranesi, sem mest eru aðkallandi og koma að mestum notum almenningi til heilla.

6. gr.

Sjóðstjórnin skal skipuð þrem Akurnesingum, sem hreppsnefndin kýs til níu ára í senn, þannig að einn gengur úr á þriggja ára fresti, í fyrsta sinn eftir hlutkesti.

7. gr.

Stjórn sjóðsins ber að halda gerðabók fyrir sjóðinn, og færa inn í hana skipulagsskrá þessa, fundarsamþykktir, umsóknir um styrk úr sjóðnum, styrkveitingar, lánveitingar og annað, er varðar hag og rekstur sjóðsins. Sjóðstjórninni ber enn fremur að halda bók yfir eignir sjóðsins, tekjur hans og gjöld og færa í hana ársreikning sjóðsins.

8. gr.

Reikningsár sjóðsins er almanaksárið og skal stjórnin birta ársreikninga hans í Lögbirtingablaðinu. Hreppsnefnd Ytri-Akraneshrepps kýs endurskoðendur.

9. gr.

Leita skal konungsstaðfestingar á skipulagsskrá þessari.

10. gr.

Skipulagsskrá þessi skal birt í B-deild Stjórnartíðindanna.

Akranesi, 25. apríl 1939.

Elín Ásmundsdóttir. Ól. Bjarnason.